

الكاثوليكون

رسالة القديس يعقوب الرسول

كيف نسلك كأولاد الله

سفر جميل جداً مليان حُكم قصيرة و عميقة جداً ... شبه الموعظة على الجبل و سفر الأمثال ... بيعلّمنا كيف نسلك كأولاد الله في العالم من خلال وصايا مباشرة و واضحة لمواقف مختلفة


× طبعاً الملخص ده لا يغني أبدأ عن الوعظ و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

كاتب السفر




- فيه 2 من تلاميذ السيد المسيح ال 12 اسمهم يعقوب: يعقوب بن زبدي (أخو يوحنا الحبيب و أول من استشهد من الرسل) و يعقوب بن حلفى (لقبه أخو الرب لأنه كان قريب ربنا يسوع بالجسد) ... و [القديس يعقوب بن حلفى هو اللي كتب الرسالة دي](#)
- [القديس يعقوب بن حلفى كان أول قائد للرسل و الكنيسة الأم في أورشليم](#) (زي ما بنعرف في أعمال الرسل 12 و 15) ... و الكنيسة في الأول كان عليها اضطهادات كثير من اليهود ... و كمان حصل وقتها مجاعة صعبة (أعمال الرسل 13)
- يعقوب الرسول قاد الكنيسة بحكمة و شجاعة لمدة 21 سنة تقريباً لحد ما استشهد ... و [قاد الكنيسة في أول مجمع \(مجمع أورشليم\) اللي منع بدعة \(التهوّد\)](#) ... يعني الأمم اللي أصبحوا مسيحيين، مش لازم يلتزموا بالشريعة اليهودية (أعمال الرسل 15) ... و المجمع ده حمى الكنيسة من فتنة خطيرة و اتجاه فكري غلط خالص

هدف و طريقة السفر



- معلمنا يعقوب (بالروح القدس طبعاً) يركز في رسالته على أفكار و حكمة مسيحية مهمة جداً
- الرسالة كانت ليهود الشتات (المسيحيين من أصل يهودي اللي اتشتتوا في دول كتير بعد استشهاد استفانوس و بعد المجاعة) ... لكنها نافعة جداً لكل الكنائس و كل الأجيال (مش بتناقش مشاكل خاصة بالزمن ده و خلاص)
- الرسالة مش بتركز على أفكار لاهوتية أو عقائدية، بل رسالة عملية بتعلمنا إزاي نعيش بالسلوك المسيحي المظبوط
- الرسالة بتلاقي فيها نقاط كتيرة مبنية على الموعظة على الجبل (متى 5 و 6 و 7)
- الرسالة مكتوبة في صورة حكم و أمثال قصيرة تتحدّى عقلنا إنها واضحة و صحيحة، إزاي نسلك بطريقة مختلفة عنها؟!
- الحكمة الرئيسية في الرسالة هي ملخص الكتاب كله: **تحب الرب إلهك، و تحب قريبك كنفسك** ... ده مصدر السلوك المسيحي المظبوط

(الإصحاح الأول) ... مقدّمة: ماذا نحتاج حتى نسلك السلوك المسيحي



في الجزء ده من الرسالة, معلمنا يعقوب بيهدد لنا موضوع الرسالة ... و يدينا مفتاح السلوك المسيحي

تبدأ الرسالة بحكمة مهمة: **ربنا بيستخدم التجارب لفائدتنا**

لكي تكونوا تامين وكاملين غير ناقصين في شيء

❗ كلمة "**كاملين**" اكررت في الرسالة 7 مرات, و معناها نعيش زي ما ربنا يسوع بيقول ... يبقى كلامنا و أفعالنا مقدسين ... عشان نوصل لكده محتاجين:

1. **حكمة سمائية** (آية 5 ل 8): نطلبها بإيمان من ربنا

إن كان أحدكم تعوزه حكمة, فليطلب من الله الذي يعطي الجميع بسخاء ولا يعير, فسيعطى له

2. **اتكال على الله** (آية 9 ل 11): سواء في فقر أو غنى ... طالبين ربنا و عارفين إن الغنى هينتهي

هكذا يذبل الغني أيضا في طريقه

3. **طبيعة جديدة** (آية 12 ل 18): في المعمودية, ربنا أعطانا طبيعة جديدة تقدر تقاوم التجارب و الشهوات

شاء فولدنا بكلمة الحق لكي نكون باكورة من خلايقه

4. **عمل بالكلمة** (آية 19 ل 27): حياة جديدة بأعمال تليق بأولاد الله

و لكن كونوا عاملين بالكلمة, لا سامعين فقط خادعين نفوسكم

(الإصحاحات 2 ل 5) ... موضوع الرسالة: 11 تعليم للسلوك المسيحي

تعليم عن السلوك المسيحي الصحيح اللي طالع من قلب يحب ربنا ... كل تعليم بينتهي بجملة تلخصه و تسهل علينا حفظه

#1 - عدم المحاباة

✚ الجزء ده في الإصحاح الثاني آية 1 ل 13



? هل احنا بنحابي الناس المهمين أو الأغنياء أو اللي لابسين كويس في الكنيسة و نميّرهم في الكرامة على حساب الفقرا و الغلابة؟

💡 طبعاً المحاباة بعيدة جداً عن كلام ربنا و السلوك الصحيح (إننا كلنا واحد في المسيح يسوع) و وصية (تحب قريبك نفسك) ... + إن معظم أبائنا الرسل العظماء و ربنا يسوع نفسه مكانوش أغنياء, كانوا متواضعين (ربنا اختار [المزدري.وغير الموجود](#))

"لأنه إن أحببتم الذين يحبونكم, فأجر لكم؟" (متى 5 : 46)

"ولكن إن كنتم تحابون , تفعلون خطية, موبخين من الناموس كمتعدين" (يعقوب 1 : 9)

#2 - إيمان عامل بالمحبة

✚ الجزء ده في الإصحاح الثاني آية 14 ل 26



? هل نكتفي بالإيمان النظري بربنا و إنه موجود و عارفين الكتاب المقدس كويس و بنيجي الكنيسة, بينما أعمالنا بعيدة تماماً عن وصايا الكتاب؟

💡 طبعاً ده إيمان "ميت" و غير مفيد ... الإيمان علاقة شخصية بالله, لازم يكون معاه أعمال تثبته: زي الصدقة و البذل (مثال أبونا إبراهيم أبو الإيمان ... اللي بإيمان قدّم إسحق وحيدته) ... هو ده الإيمان الحقيقي

"ليس كل من يقول لي: يا رب, يا رب! يدخل ملكوت السماوات. بل الذي يفعل إرادة أبي الذي في السماوات" (متى 7 : 21)

"لأنه كما أن الجسد بدون روح ميت, هكذا الإيمان أيضا بدون أعمال ميت" (يعقوب 2 : 26)


#3 - ضبط اللسان

✚ الجزء ده في الإصحاح الثالث آية 1 ل 12

💡 اللسان ... بيحدّرنا معلمنا يعقوب من حاجتين: التعليم الكثير (عشان صعب حد يتكلم كثير من غير ما يغلط) + الكلام الغلط اللي ممكن نقوله برة الكنيسة رغم إننا جوة الكنيسة أو في صلواتنا ممكن نقول صلوات و ألحان طبعاً ماينفعش! لازم على طول يكون كلامنا صالح للبنيان ... ولا كلام فاضي ولا كلام غلط

"الإنسان الصالح من كنز قلبه الصالح يخرج الصلاح, والإنسان الشرير من كنز قلبه الشرير يخرج

"من الفم الواحد تخرج بركة ولعنة لا يصلح يا إخوتي أن تكون هذه الأمور هكذا" ([يعقوب 3 : 10](#))



الشر. فإنه من فضلة القلب يتكلم
فمه" (لوقا 6 : 45)

#4 - الحكمة السماوية

الجزء ده في الإصحاح الثالث آية 13 ل 18

الحكمة السماوية غير الحكمة الأرضية خالص ... الحكمة الأرضية كلها غيرة و افتخار، بينما السماوية كلها محبة و تواضع



"طوبى للودعاء، لأنهم يرثون الأرض"
(متى 5 : 5)

"أما الحكمة التي من فوق فهي أولا طاهرة، ثم مسالمة، مترفقة، مدعنة، مملوءة رحمة وأثمارا صالحة، عديمة الريب والرياء" (يعقوب 3 : 10)

#5 - قلب هدفه ربنا فقط

الجزء ده في الإصحاح الرابع آية 1 ل 10

ماينفعش القلب يبقى مع ربنا و في نفس الوقت مركز مع الدنيا ... زي ما بنقول في ختام الكاثوليكون: [لا تدينوا العالم ولا الأشياء التي في العالم](#)



"لا تقدرّون أن تخدموا الله والمال"
(متى 6 : 24)

"أما تعلمون أن محبة العالم عداوة لله؟ فمن أراد أن يكون محباً للعالم، فقد صار عدواً لله" (يعقوب 4 : 4)

#6 - عدم الإدانة

الجزء ده في الإصحاح الرابع آية 11 ل 12

ماينفعش ندين إخواننا ... ده عكس المحبة و عكس حقيقة إننا خطاة و محتاجين رحمة ربنا



"لا تدينوا لكي لا تدانوا" (متى 7 : 1)

"واحد هو واضع الناموس، القادر أن يخلص ويهلك. فمن أنت يا من تدين غيرك" (يعقوب 4 : 12)

#7 - عدم السعي أو الاتكال على الغنى



✚ الجزء ده في الإصحاح الرابع آية 13 ل 17 و الإصحاح الخامس آية 1 ل 6

💡 حياتنا زي بخار مضمحل ... و الغنى المادي اللي احنا ساعات بنسعى له بطريقة غلط و فيها ظلم أو مخالفة لوصايا ربنا مش هينفعنا يوم الدينونة ... اللي هينفعنا هنا و في يوم الدينونة هو الاتكال على الله و عمل وصاياه

"اطلبوا أولا ملكوت الله وبره، وهذه كلها تزداد لكم" (متى 6 : 33)

"أنتم الذين لا تعرفون أمر الغد لأنه ما هي حياتكم؟ إنها بخار، يظهر قليلا ثم يضمحل" (يعقوب 4 : 14)

#8 - الصبر و الاحتمال

✚ الجزء ده في الإصحاح الخامس آية 7 ل 11

💡 على عكس الناس اللي بتسعى عشان الغنى، ولاد ربنا مستنيين مجيئه ... بيصبروا في حياتهم و يحتملوا عشان محبتهم لربنا، في انتظار القيامة و الحياة الأبدية ... زي الفلاح اللي مستني الحصاد



"ولكن الذي يصبر إلى المنتهى فهذا يخلص" (متى 24 : 13)

"فتأنوا أيها الإخوة إلى مجيء الرب. هوذا الفلاح ينتظر ثمر الأرض الثمين، متأنيا عليه حتى ينال المطر المبكر والمتأخر" (يعقوب 5 : 7)

#9 - الصدق دائماً بدون حلفان

✚ الجزء ده في الإصحاح الخامس آية 12

💡 ماينفعش نحلف ... لازم نكون أمناء في كلامنا ... الكلمة اللي نقولها دايماً صادقة، من غير حلفان

"ولكن قبل كل شيء يا إخوتي،
لا تحلفوا، لا بالسماء، ولا
بالأرض، ولا بقسم آخر. بل لتكن
نعمكم نعم، ولاكم لا، لئلا
تقعوا تحت دينونة" (يعقوب 5 :
12)

"بل ليكن كلامكم: نعم نعم، لا
لا. وما زاد على ذلك فهو من
الشرير" (متى 5 : 37)

#10 - الصلاة بإيمان

✚ الجزء ده في الإصحاح الخامس آية 13 ل 18

💡 الصلاة في كل حين (الشدة و الفرح) ... طلبة البار تقتدر
كثيراً في فعلها

"أعلى أحد بينكم
مشقات؟ فليصل. أمسرور
أحد؟ فليرتل" (يعقوب 5 :
13)

"وكل ما تطلبونه في
الصلاة مؤمنين تنالونه"
(متى 21 : 22)

#11 - ماتخسرش أخوك بل اكسبه لربنا

✚ الجزء ده في الإصحاح الخامس آية 19 ل 20


💡 لو حد فينا بعد عن طريق الحق ... لازم نحاول نرجّعه و ننقذه

"أيها الإخوة، إن ضل أحد بينكم عن
الحق فردّه أحد، فليعلم أن من رد خاطئاً
عن ضلال طريقه، يخلص نفسه من
الموت، ويستر كثرة من الخطايا"
(يعقوب 5 : 19 و 20)

"إن أخطأ إليك أخوك فاذهب وعاتبه
بينك وبينه وحدكما. إن سمع منك فقد
ربحت أخاك" (متى 18 : 15)



ربنا يَدِينا نعيش بسلوك مسيحي حقيقي



المراجع الرئيسية



- موقع [The Bible Project](#)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلهيمانوت](#)